



Bosnia and Herzegovina
Federation of Bosnia and Herzegovina

CANTON SARAJEVO
**Ministry of Physical Planning Construction and
Environmental Protection**

Broj: 05-05-33063-133/19 VI
Sarajevo, 29.10.2019. godine

SKUPŠTINA KANTONA SARAJEVO
n/r gosp. Elvedin Konaković, predsjedavajući

PREDMET: Odgovor na zastupničko pitanje Samira Suljevića

Ministarstvu prostornog uređenja, građenja i zaštite okoliša dostavili ste zastupničko pitanje zastupnika Samira Suljevića, postavljeno na Trinaestoj radnoj sjednici Skupštine Kantona Sarajevo održanoj dana 25.09.2019. godine, u okviru tačke Dnevnog reda "Poslanička/zastupnička pitanja, inicijative i odgovori".

Pitanje zastupnika Suljević Samira:

"Da li je Uprava Grada Sarajeva prije donošenja Odluke o izmjeni Regulacionog plana "Kvadrant B" pristupila donošenju odluke o strateškoj procjeni uticaja na okoliš, odnosno da li je tražila mišljenje od resornog ministarstva o potrebi izrade strateške procjene? Ako jeste tražim da mi se ista dostavi.

Takođe tražim od Ministarstva prostornog uređenja, građenja i zaštite okoliša da dostave preliminarne rezultate o zračnim koridorima u smislu visoke gradnje."

Odgovor:

Članom 51. Zakona o zaštiti okoliša Federacije BiH ("Službene novine Federacije BiH", br. 33/03 i 38/09) utvrđena je obaveza vršenja strategijske procjene uticaja prostorno-planske dokumentacije čiji sadržaj može imati negativan uticaj na okoliš. Ova obaveza je utvrđena i Zakonom o prostornom uređenju Kantona Sarajevo ("Službene novine Kantona Sarajevo", br. 24/17 i 1/18) na način da je propisano, da odluka o pristupanju izradi Prostornog plana Kantona obavezno sadrži i Strategijsku procjenu uticaja na okoliš, dok se za ostale planske dokumente ova obaveza utvrđuje po prethodno pribavljenom mišljenju Ministarstva u skladu s Uredbom o strategijskoj procjeni uticaja planova i programa na okoliš ("Službene novine Kantona Sarajevo" broj 32/11).



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1




Dana 24.04.2019. godine Gradsko vijeće je donijelo Odluku o izmjenama i dopunama odluke o pristupanju izradi izmjena i dopuna Regulacionog plana "Gradski centar - Marijin dvor" ("Službene novine Kantona Sarajevo" broj 19/19). S obzirom na to, da Odluka nije donesena u skladu sa gore pomenutim propisima, kojima je uređena oblast pripreme, izrade i usvajanja planskih dokumenata, ovo Ministarstvo se dana 03.06.2018. godine obratilo Gradu Sarajevo zahtjevom za dostavljanje svih relevantnih podataka o Planu, na osnovu kojih bi ovo Ministarstvo moglo odlučiti o obavezi vršenja strategijske procjene uticaja na okoliš. Grad Sarajevo nije odgovorio na ovaj zahtjev.

Što se tiče zahtjeva za dostavu preliminarnih rezultata o zračnim koridorima u smislu visoke gradnje, želimo napomenuti, da je Studija urbanih ventilacionih koridora i uticaja visokih zgrada na kvalitet zraka urađena u okviru pripreme Zelenog akcijskog plana za Kanton Sarajevo (GCAP) uz operativnu i finansijsku podršku EBRD i Vlade Japana. Rezultati Studije biće ugrađeni u Prijedlog Odluke o zaštiti i poboljšanju kvaliteta zraka u Kantonu Sarajevo koja je trenutno u pripremi i koja će biti dostavljena Skupštini na razmatranje i usvajanje.

Od preporuka koje su sadržane u predmetnoj Studiji izdvajamo sljedeće:

1. Napraviti klimatski atlas za urbano područje Kantona Sarajevo koje bi uključivalo prikupljanje i analizu relevantnih podataka o meteorologiji, topografiji i korištenju zemljišta
2. Pored već identificirana dva glavna koridora za ventilaciju zraka "Miljacka" i "Glavni put" (oba su otprilike orijentirana u smjeru istok – zapad) i sporednih koridora za ventilaciju zraka (južni uzdužni koridor koji se podudara sa "Južnom longitudinalom" odnosno ulicama: Zagrebačka, Grbavička i Zvornička, Alipašina ulica, te ulice Ante Babića i Ive Andrića u naselju Alipašino Polje) odrediti zračne ventilacijske koridore za jugoistočni smjer vjetra, te odrediti mjere zaštite
3. Urbanističke mjere, koje podrazumijevaju sljedeće:
 - Ograničenje visine zgrada do 20 metara (P + 6) u pojasu od 200 metara sa svake strane primarnih ventilacionih koridora, tj. rijeke Miljacke i Glavne ceste
 - Zabrana izgradnje novih zgrada u pojasu od 20 metara sa svake strane koridora
 - Zabrana izgradnje duž koridora Alipašina ulica-Skenderija (min 30 m), zaštiti je kao zeleni koridor
 - Zabrana izgradnje novih zgrada na 20 m sa svake strane sjeverne longitudinalne ceste, Zagrebačke, Grbavičke i Zvorničke
 - Zabrana izgradnje novih zgrada na površini od 30 m sa svake strane poprečnog hodnika Ulica Ante Babića i Ulice Ive Andrića u okrugu Alipašino Polje
 - Poboljšati ventilaciju razvojem zelenih koridora (spajanje i nadogradnja postojećih zelenih površina):
 - Smjer Dariva - Ilidža (lijeva strana glavne ceste),
 - Pravac Veliki park preko Univerzitetskog kampusa i Čengić Vile (razmotriti ozelenjavanje bivše industrijske zone "Vaso Miskin Crni") do Halilovića (s obzirom na potencijal za ozelenjavanje u industrijskoj zoni i priključak na rekreativni centar Safet Zajko)
 - Određivanje kriterija za urbano prozračivanje



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1



- Obaveza simulacija strujanja zraka (CFD analiza) kod izrade novih regulacionih planova za Kanton Sarajevo, usklađivanje planova prema rezultatima simulacija odnosno zahtjevima za urbano prozračivanje
- 4. Razviti tehničke smjernice za položaj i oblik zgrade

S poštovanjem,



Damir Filipović, MA prava

Dostaviti:

- ① Naslovu
- Stručnoj službi Vlade Kantona Sarajevo, ovdje (na znanje)
- Evidenciji
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1



